

Communicaziun da medias digl cumegn da Surses (nr. 04-2019)

Surses: Igl cumegn screiva cefras neiras

Igl rendachint digl cumegn da Surses sera cun en surple d'antradas da radond 1.4 milliuns francs.

Pianavant è l'anterioura tgesa communal a Marmorera neida vandeida.

La radunanza communal Surses ò approvo unanimamaintg igl rendachint 2018. Igl rendachint è talmaintg positiv, tgi òn pudia neir fatgas ulteriouras amortisaziuns da 920'000 francs e nias mess 2 milliuns francs ainten la prefinanziaziun per la renovaziun dalla tgesa da scola primara a Savognin.

Tar antradas da radond 35 milliuns e sorteidas da radond 33,6 milliuns sera igl rendachint cun en surple d'antradas da radond 1.4 milliuns francs.

Igl resultat positiv vign declero cun antradas supplementaras da taglias da radond 2, 7 milliuns francs.

Las investiziuns bruttas montan a radond 5,7 milliuns francs (investiziuns nettas 3,6 miu. francs) e pertotgan surtot las spartas traffic ed economia publica.

Vendita dall'anterioura tgesa communal a Marmorera

Er unanimamaintg ò la radunanza communal approvo la vendita dall'anterioura tgesa communal a Marmorera, tgi vign strousch ple duvrada, per 250'000.- fr. ad ena persunga privata.

Ulteriours affars

La radunanza communal ò er approvo sainza discussiun la revisiun parziala dalla planisaziun locala «Piazza da sport La Nars» a Savognin.

Er la dumonda dalla Thomann Landmaschinen Metallbau SA, per cumprar ena surfatscha da taragn da 3'200 m² aintern la zona d'industria «Punt» a Cunter an possess digl cumegn da Surses, scu er igl project d'investiziun «Equipaziun zona d'industria Punt a Cunter» cun dumonda per en credit d'impegn da 490'000.- fr. è nias approvos cun gronda pluralitad.

Ulteriours sclarimaints dat igl mastral Leo Thomann (telefonign 079 405 96 73)

Tinizong, igls 24 da zarcladour 2019